

《中國地方藝文薈萃》編委會 編

中國地方藝文薈萃

學苑出版社

華東卷·第十二輯 時

華東卷·第十二輯

肆

中國地方藝文薈萃

《中國地方藝文薈萃》編委會 編

德州师范学院内部使用

沈南疑先生橋本李詩繫四十二卷（三）



德州师范学院内部使用

沈南疑先生樵李詩繫四十二卷（三）

（清）沈季友輯

據清康熙四十九年（一七一〇）金南鎡敦素堂刻本影印

沈南疑先生攜李詩繫第十五卷目次

平湖 金 南鏌 夏聲 校閱

明

藿園居士李應徵十三首

周評事從龍二首 夏知縣日葵一首

支奉新大綸四首 吳知縣正儒一首

許州判聞造二首 錢太學應曾一首

錢蓬州應晉一首 金舉人九成二首

韓同知子祁二首 馮祭酒先生夢楨五首

沈修撰自邠三首 陳儀制泰來五首

朱秀才元弼二首 屠副使叔方二首

孫副使成恭一首

黃副使正色一首

陳舉人光贊一首

孫舉人成名一首

馮貞孝伯禮一首

沈郎中堯中四首

梅顛道人周履靖一首

項中書穆二首

馬主事維銘一首

陸通政長庚二首

項太學道民九首

包知州世杰一首

史貢士羊生一首

沈教授大奎一首

馮秀才盛世二首

胡學究碧霞三首

朱文恪公國祚四首

岳侍郎元聲二首

鍾薊州起鳳一首

俞太學懋相三首

呂太學元聲一首

孫副使光啟一首

陸處士長春一首

沈南疑先生構李詩繫第十五卷目次終

精言

沈南疑先生攜李詩繫第十五卷

平湖 金 南鏜 夏聲 校閱

明

藿園居士李應徵

應徵字伯遠號霽巖嘉興梅溪人萬曆癸酉舉人
自少而孤稍長博極群書沈司馬思孝溪契之一
時名流如屠長卿沈嘉則胡元瑞張孟奇皆與倡
和往還懷才悒悒十上公車乃就滁州學博蓋應
徵以駿宕之士雄視一世平生感憤一發於詩故
能衆體兼長擣詞獨富風流俊爽情旨婉切不徒
以寫景述事爲工也著有青蓮館初編藿園集汗

漫遊薊易寓言寄苕苕漫草等集

琴者王生爲予鼓石上流泉之曲走筆贈之

涼風颯颯天氣肅高樓置酒悲夜促新歌妙舞且暫停
聽君鼓却流泉曲指下泠泠百道鳴散入秋山萬溪玉
一絃一彈清我心欲斷不斷聲相續君不見齊門瑟燕
市筑獨立狂歌向人哭丈夫軼軻亦如此琴中之聲何
爲爾

蘇生爾宣向嘗任俠報仇兼善秦漢篆刻近從吳
門過予山中作歌贈之

君不見專諸魚腸化秋水要離墳樹悲風起吳宮霸氣
久已銷俠骨猶然香未死蘇生寶劍光陸離少年報仇

人所知即今隱跡埋吳市
劍鋒折作囊中錐黃金剖
大如斗白玉盤螭壓雙紐
雄心鏤向方寸中仇人血
澣丹砂紅秋山飛雨聲
颯颯慘澹光鎡寒白日看
君意氣尚如虎那能老作
江湖客丈夫腰下有昆吾
何不東臯鳥夷西擊胡試
拂燕然一片石可堪還勒
漢銘無

薛素臨趙承旨吹簫美人圖歌

有引

醉香道人出此圖見示墨韻
適婉真得吳興三昧蓋薛
工於繪事而尤能以鳳簫
度曲故宛轉曲盡其態而
所臨宋景濂學士題語真
書數行更得臨池之致此
何必當年校書郎衿紳中
恐亦罕此韻士也今薛已
歸沈景倩不可復見覩此
如對寫照徒增悵惋遂

作歌焉

吳興王孫筆楚楚丹青貌得吹簫女宛轉如疑咽素秋
月白宵寒鳳飛去題識猶存學士名數行頗得臨池趣
誰人書畫兼擅塲誰同趙宋稱雁行河東佳人小字素
妙曲曾將鳳簫度麗情秀壓錦江濤霞箋色奪芙蓉露
標韻俱從指下生妖妍獨向毫端吐吳興得似未得真
佳人貌畫兼貌身含嬌轉盼邀鳳史有聲無聲皆入神
此時珠簾散華燭此時紫簫奏新曲月痕依微脫口朱
星月參差動纖玉朱唇乍啟梁塵空玉指頻弄蘭心通
祇覺春風生合坐忽移形影向圖中圖中坐上宛相肖
羸女却對秦宮照天籟俄分倚獨鳴清音倏斷迷雙笑

獨鳴雙笑爾依稀只今化作彩雲飛驟然顧態猶疑是
覩久尋聲始覺非尋聲顧態神猶動巫峽荆臺別通夢
風前屢誤拂書蠅月下初聞罷簫鳳簫聲只隔鴛央水
鳳吹蛾眉呼欲起司馬青衫濕盡無春蘭寂寞秋風裏
南湖雨後見月

放舸滂莎汀悠然笑獨醒雨餘千樹黑月出半湖青水
氣澄秋席寒空寫夜亭重輪元自現烟霧莫冥冥

人日遣興

人日人爲客春風春可憐
嫺波浮宅遠丘壑寄情偏
柏葉烏程酒椒盤下若編
如口從習池飲醉殺峴山前

宿南禪廢寺

寥落春城寺，翛然對野僧。
庭烏朝下食，山鬼夜窺燈。
心義空微晤，塵勞斷未能。
松寮疎雨過，片月照枯藤。

花朝集徐德甫園亭

一室成丘壑，悠然會遠心。
餘寒春色淺，過雨藥闌深。
蝶戲纔窺幔，鶯啼稍出林。
綠尊畱客醉，隨意坐花陰。

落葉二首

西風蕭颯戰初降，吹落長門淚共雙。
暗雜繁霜沉曉角，亂扶疎雨入秋江。
迷離空逕淡畱屐，約畧寒山遠到窗。
掃盡玉階愁不去，依依簾月對殘缸。

朝來誰掃拂雲柯，搖落偏宜傍晚多。
漢苑哀螺曾入曲，洞庭秋水忽生波。
柝中影度關山月，夢裡聲殘子夜歌。

咫尺天涯人共遠
滿林風雨下松蘿

新柳

舞罷春綃曉露清
縷金試唱不勝情
忽牽鷗夢眠難定
似怯鶯梭織未成
月影乍窺陶令宅
風條漸拂漢家營
也知今日青青色
強半萸枝向舊生

登薊門望塞外有感二首

經略當年西出師
曾傳塞外走燕支
如何士馬東歸日
猶是朝廷右顧時
風偃旌旗閒虎豹
月寒戈甲臥熊羆
長歌一曲燕雲斷
坐聽高城鼓角悲

帝障排空斥埃分
廬龍刁斗夜無聞
單于避飲長城窟
都護移屯細柳軍
佞甲聚昏滄海日
朱旗遠繞黑山雲

班生浪有如椽筆不勒燕然第二勲

悼亡詩爲方衆父賦

玉魄千秋夜悲風起白楊黛銷塵鏡色粉落故衣香蕙
帳淒琴瑟金釵墮鳳凰魂應隨上婦貴不待中郎夢失
高堂窅猿啼楚峽長回思画眉處彷彿嫁時粧

周評事從龍

從龍字彥雲號霖滄嘉興人萬曆癸酉舉人歷官
南大理評事著有繹聖堂稿其詩不多見據曹氏
詩選所收頗整繕不入輕靡蹊逕

題招隱君祠壁

荒亭雲落落沙竹雨綿綿漢詔無今日焦峰自昔年山